



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-1-40-468-10/22**
Datum: 26.12.2022. godine

«Agencija za vodno područje rijeke Save» Sarajevo rješavajući po zahtjevu Ministarstva saobraćaja Kantona Sarajevo za donošenje rješenja o prethodnoj vodnoj saglasnosti za izgradnju tramvajske pruge Ilidža-Hrasnica, općina Ilidža, na osnovu člana 109. stav (1) tačka 2. i 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o prethodnoj vodnoj saglasnosti**

1. Podnosiocu zahtjeva Ministarstvo saobraćaja Kantona Sarajevo daje se prethodna vodna saglasnost za izgradnju tramvajske pruge Ilidža-Hrasnica, općina Ilidža.
2. Prethodna vodna saglasnost se daje u postupku izdavanja okolinske dozvole, urbanističke saglasnosti za objekte i aktivnosti za koje nije potrebna okolinska dozvola i u postupku izdavanja koncesije na vodama i vodnom dobru.
3. Ova prethodna vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr..
4. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod slijedećim uslovima:
 - 4.1. Izraditi investiciono-tehničku dokumentaciju izgradnje tramvajske pruge Ilidža - Hrasnica na nivou glavnog projekta, a sve u skladu sa članom 5. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH”, broj 31/15, 55/19, 41/20 i 63/22).
 - 4.2. Investiciono-tehnička dokumentacija treba biti urađena od strane ovlaštenog pravnog lica i revidirana od strane drugog pravnog lica, oba sa „liste A” Fedralnog ministarstva poljoprivrede, vodoprivrede i šumarstva, a prema članu 14. stav 2. Pravilniku o uvjetima i kriterijima koje mora zadovoljiti pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08 i 38/12).
 - 4.3. Pri izradi projektne dokumentacije pažnju posvetiti na položaj postojećih instalacija (vodovodne, kanalizacione, elektro, PTT i dr.) te dati tehničko rješenje za ukrštanje ili izmjještanje istih.
 - 4.4. Sagledati sve moguće neželjene uticaje na planirani objekat i planiranog objekta na druge objekte i postrojenja, stečena prava korisnika, postojeću infrastrukturu, naselja, zone sanitarne zaštite izvorišta i slično, te dati prijedlog mjera za sprječavanje tih uticaja u toku izgradnje i korištenja tramvajske pruge uključujući i standardne i dodatne mjere zaštite.

- 4.5. Projektnim rješenjem dati način prikupljanja, tretmana i ispuštanja oborinskih onečišćenih voda sa trase tramvajske pruge i servisnih kanala planiranih za popravak tramvaja.
- 4.6. Za prečišćavanje onečišćenih oborinskih voda sa trase tramvajske pruge i lokacije servisnih kanala predvidjeti ugradnju tipskih separatora ulja i naftnih derivata sa odgovarajućim taložnicima za prihvatanje oborinskih voda, u skladu sa normama EN 858, prije ispuštanja u definisani recipijent.
- 4.7. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, te ekološko-ekonomskih zahtjeva.
5. Nakon ishodovanja Rješenja o urbanističkoj saglasnosti i Okolinskoj dozvoli od nadležnih službi, potrebno je podnijeti zahtjev za donošenje Rješenja o vodnoj saglasnosti na projektnu dokumentaciju. Pored investiciono – tehničke dokumentacije urađene u skladu sa uslovima datim u dispozitivu ovog Rješenja, Investitor treba dostaviti i dokumentaciju navedenu u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata.
6. Investiciono tehnička dokumentacija mora biti urađena na nivou projekta za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
7. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
9. Ova prethodna vodna saglasnost se može izmijeniti ukoliko nastupe razlozi utvrđeni u članu 130. stav 1. tačka (1)., (2)., (3). ili (4). Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Ministarstvo saobraćaja Kantona Sarajevo je podnijelo zahtjev za donošenje rješenja o prethodnoj vodnoj saglasnosti za izgradnju tramvajske pruge Ilidža-Hrasnica, općina Ilidža, Kanton Sarajevo.

Uz zahtjev je dostavljena i pregledana slijedeća dokumentacija:

- Kopija očitovanja Zavoda za planiranje Kantona Sarajevo na trasu tramvajske pruge na dionici Ilidža-Hrasnica naspram planske dokumentacije, broj:04-23-4320/22 od 27.10.2022. godine;
- Kopija mišljenja Službe za prostorno uređenje Općine Ilidža broj: 03-sl-144/22 od 22.09.2022. godine;
- Ovjerene kopije zemljišnoknjižnih izvadaka K.O. SP_Hrasnica, broj: 065-0-NAR-22-079 180, 065-0-NAR-22-079-212, 065-0-NAR-22-079-210, 065-0-NAR-22-079-209, 065-0-NAR-22-079-208, 065-0-NAR-22-079-207, 065-0-NAR-22-079-204, 065-0-NAR-22-079-203, 065-0-NAR-22-079-201, 065-0-NAR-22-079-200, 065-0-NAR-22-079-199, 065-0-NAR-22-079-198, 065-0-NAR-22-079-195, 065-0-NAR-22-079-192, 065-0-NAR-22-079-194, 065-0-NAR-

22-079-185, 065-0-NAR-22-079-245, 065-0-NAR-22-079-215, 065-0-NAR-22-079-214, 065-0-NAR-22-079-216, 065-0-NAR-22-079-219, 065-0-NAR-22-079-223, 065-0-NAR-22-079-233, 065-0-NAR-22-079 227, 065-0-NAR-22-079 190, 065-0-NAR-22-079 186, 065-0-NAR-22-079 230, 065-0-NAR-22-079 234, izdatih od strane Zemljišnoknjižni ured Općinskog suda u Sarajevu dana 26.08.2022. godine;

- Ovjerene kopije zemljišnoknjižnih izvadaka K.O. SP_Hrasnica, broj: 065-0-NAR-22-080 594, 065-0-NAR-22-080 599, 065-0-NAR-22-080 594, 065-0-NAR-22-083 791, 065-0-NAR-22-083 788, 065-0-NAR-22-080 586, 065-0-NAR-22-083 786, 065-0-NAR-22-083 785, 065-0-NAR-22-080 585, 065-0-NAR-22-080 595, 065-0-NAR-22-080 605, 065-0-NAR-22-080 602, izdatih od strane Zemljišnoknjižni ured Općinskog suda u Sarajevu dana 30.08.2022. godine;
- Ovjerena kopija zemljišnoknjižnog izvadka K.O. SP_Hrasnica, broj: 065-0-NAR-22-083 781 izdat od strane Zemljišnoknjižni ured Općinskog suda u Sarajevu dana 07.09.2022. godine;
- Ovjerena kopija katastarskog plana, K.O. Ilidža, broj plana: 9, UR broj: 04-26-3816/2002-2 dana 05.09.2022. godine, K.O. Ilidža, broj plana: 12, UR broj: 04-26-3821/2022-6 dana 06.09.2022. godine, K.O. Ilidža, broj plana: 19, UR broj: 04-26-3822/2022-2 dana 19.09.2022. godine, K.O. Ilidža, broj plana 21, UR BROJ: 04-26-3822/2022-6 dana 19.09.2022. godine;
- Ovjerena kopija katastarskog plana, K.O. Butmir, broj plana: 8, UR BROJ: 04-26-3816/2022-3 dana 05.09.2022. godine, K.O. Butmir, broj plana: 11, UR BROJ: 04-26-3821/2022-2 dana 05.09.2022. godine;
- Ovjerena kopija katastarskog plana, K.O. Hrasnica, broj plana: 20, UR BROJ: 04-26-3826/2022-2 dana 06.09.2022. godine; K.O. Hrasnica, broj plana: 20, UR BROJ: 04-26-3826/2022-4 dana 06.09.2022. godine, K.O. Hrasnica, broj plana: 22, UR BROJ: 04-26-3826/2022-5 dana 06.09.2022. godine, K.O. Hrasnica, broj plana: 6, dan 07.09.2022.;
- Studija za prethodnu vodnu saglasnost za izgradnju tramvajske pruge Ilidža - Hrasnica, urađen od strane „HIGRACON“ d.o.o. Sarajevo i „ASI Inženjering“ d.o.o. Sarajevo, april 2022. godine;
- Dokaz o uplati upravne pristojbe.

U provedenom postupku konstatovano je slijedeće:

Studijom je obuhvaćena izgradnja tramvajske pruge na relaciji Ilidža – Hrasnica, općina Ilidža, ukupne dužine 12.961,30 m sa 7 skretnica R50/25 m. Pojas za tramvajsku prugu planiran je u kontekstu primarne gradske – cestovne saobraćajnice od Ilidže do Hrasnice sa dva odvojena kolovoza sa po dvije saobraćajne trake širine po 3.5 m. Cestovna saobraćajnica je izgrađena od kružnog toka na Ilidži do kružnog toka kod Univerziteta i na ovoj dionici je izveden pojas za tramvajsku prugu minimalne širine 10.0 m, a na dijelu kod Univerziteta širine 12.0 m. Na trasi tramvajske pruge nalaze se dva AB mosta, jedan dužine L=8.0 m preko potoka Tilava i drugi dužine L=72.3 m preko rijeke Željeznice. Na dijelu izgrađene saobraćajnice od kružnog toka kod Univerziteta do raskrsnice u Sokolović Koloniji izveden je pojas širine 8.5 m. Projektovana trasa tramvajske pruge je na mjestu postojećeg mosta Alije Izetbegovića na stacionaži 1+767.70 u koliziji sa vodotokom Željeznica. Vodotok Željeznica je na predmetnoj dionici regulisan. Projektovana trasa tramvajske pruge je na mjestu mosta na stacionaži 1+131.60 u koliziji sa vodotokom Tilava koji je na tom potezu regulisan na velike vode povratnog perioda 1/10 godina.

Na dionici buduće tramvajske pruge predviđeno je polaganje drenažnih cijevi za prikupljanje oborinskih voda sa zelenog pojasa i priključenje kolektora na postojeće kolektore oborinskih voda.

Projektovana trasa tramvajske pruge od početne stacionaže pa do kružnog toka kod Univerziteta se nalazi u trećoj zaštitnoj zoni, trasa od kružnog toka kod Univerziteta do kružnog toka u Hrasnici tangira sa jedne strane drugu, a sa druge strane treću vodozaštitnu zonu definiranih prema odredbama Odluke o zaštiti izvorišta vode za piće u Sarajevskom polju (Službene novine grada Sarajeva 2/87) donesena na osnovu Zakonu o vodama iz 1975. godine. Ostatak trase od kružnog toka u Hrasnici pa do kraja tramvajske pruge tangira sa jedne strane prvu i drugu vodozaštitnu zonu, a sa druge strane treću vodozaštitnu zonu.

Nakon uvida u raspoloživu dokumentaciju, konstatirano je da sa aspekta sektora voda i priložene dokumentacije ne postoje smetnje da se podnosiocu zahtjeva izda prethodna vodna saglasnost uz propisane uslove, pa je riješeno kao u dispozitivu rješenja.

Na osnovu prednjeg i provedenog postupka, a shodno članu 111. Zakona o vodama («Službene novine Federacije BiH», broj 70/06) i člana 5. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22) doneseno je rješenje kao u dispozitivu.

Podnosilac zahtjeva je uplatio upravnu pristojbu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka:
Aida Bezdrob, dipl.ing.građ.

Po ovlaštenju
Rukovodilac sektora za
izdavanje vodnih akata

Haris Ališehović, dipl.inž.građ.

Dostaviti:

- Ministarstvo saobraćaja Kantona Sarajevo, Reisa Džemaludina Čauševića 1, 71000 Sarajevo
- AVP Sava, ISV, Vodna knjiga,
- Sektor 40, arhiva,
- Oglasna ploča